

06 January 2025. 18:15 Hrs

Headlines

- प्रधानमंत्री नरेंद्र मोदी होरें अज्ज नमें बनाए गेदे जम्मू रेलवे मंडल दा वीडियो कांफ्रेंसिंग राएं उद्घाटन कीता ते आखेआ जे एहदे नै जम्मू-कश्मीर च सैलसफा दे मौके पैदा होइन ते जम्मू खित्ते दे समाजी, आर्थिक विकास गी बड़ा मता बढ़ावा थ्होग।
- उपराज्यपाल मनोज सिन्हा होरें जम्मू रेल मंडल दे बन्ने पर जम्मू-कश्मीर दे लोकें गी ममारकबाद दिती। मुखमंत्री उमर अब्दुल्ला होरें आखेआ जे जम्मू प्रांतै गी कश्मीर रेल लिंक कन्नै बड़ा फैयदा पुज्जोग।
- प्रधानमंत्री हुंदे दफ्तरै च राज्यमंत्री डॉ. जतिंद्र सिंह होरें जम्मू रेलवे मंडल बनने ते कश्मीर रेल लिंक परियोजना गी इक ऐतिहासिक मील दा पत्थर करार दिंदे होई आखेआ जे इंदे नै खित्ते दा व्यापक विकास यकीनी बनोग।
- जम्मू-श्रीनगर राष्ट्रीय जरनैली सड़क गड़िएं दी दऊं तरफा आओजाई लेई खुल्ली, ऐतिहासिक मुगल रोड अज्ज उप्परोतली 10में रोज बी बंद ऐ।
- भारत नै पाकिस्तान आसेआ अफगानिस्तान च आम लोकें पर कीते गेदे ब्हाई हमले दी सख्त निंदेआ कीती ऐ।

<><><><><><>

PM Jammu Railway Div

प्रधानमंत्री नरेंद्र मोदी होरें अज्ज नमें बनाए गेदे जम्मू रेलवे मंडल दा वीडियो कांफ्रेंसिंग राएं उद्घाटन कीता। खित्ते च रेल संपर्क च विस्तार ते होर मते इलाकें तोड़ी रेलै दी पुज्ज यकीनी बनाने बक्खी एहू इक्क महत्वपूर्ण गैहू ऐ कीजे जम्मू दे इक बक्खरा रेल मंडल बनी जाने कन्नै ना शड़ा इत्थूं दे लोकें दी इक चिरकी मंग पूरी होई गई ऐ, सगुआं खित्ते च सैलसफा ते आर्थिक विकास लेई बी मते-मते मौकं दियां संभावना बधी गेइयां ना। जम्मू रेल मंडल

हेठ पठानकोट, जम्मू-उधमपुर-श्रीनगर-बारामूला, भागपुर-सिरवाल-पठानकोट, बटाला-पठानकोट ते पठानकोट थमां जोगिंद्र नगर रेल सेक्शनां शामिल ना। इस मौके अपने संबोधन च मोदी होरें आखेआ।

इस मौके पर केंद्र रेल मंत्री अश्विनी वैश्व होरें आखेआ जे जम्मू रेल डिविजन दे बनने कब्रै जम्मू-कश्मीर च नमिएं सुविधाएं दे विकास च मदद ते सैलसफा गी बड्डे पैमाने पर बढावा थहोग।

<><><><><><>

LG/CM-Railway Project

प्रधानमंत्री नरेंद्र मोदी हुंदे आसेआ अज्ज जम्मू रेल मंडल दा वर्चुअल ढंगे नै उद्घाटन कीते जाने दे मौके पर जम्मू च आयोजित इक समारोह गी संबोधित करदे होई उपराज्यपाल मनोज सिन्हा होरें जम्मू-कश्मीर दे लोकें गी समाजी आर्थिक विकास बाढ़े दे नमें रस्ते खुल्लने पर ममारकबाद दिती।

इस मौके मजूद मुखमंत्री उमर अब्दुल्ला होरें आखेआ जे जम्मू-कश्मीर लेई एह इक ऐतिहासिक मौका ऐ। उमर होरें आखेआ जे अपनी इक बखरी रेल डिविजन, जम्मू दे लोकें दी इक बड़ी परानी मंग ही ते अज्ज एह मंग पूरी होई ऐ जेदे नै तरक्की ते खुशहाली सरबन्धी लोकें दिए कई आसें तांगें ते सुखने दे सच करने लेई बत्त पदरी होई गेई ऐ। मुखमंत्री होरें लोकें गी आखेआ जे नमें रेल संपर्क जम्मू दी अर्थ बवस्था गी मजबूत बनाने च मददगार साबत होंगन ते बपार कारोबार ते सैलसफा च बढोतरी राएं लोकें गी बड़ा मता फैयदा पुज्जोग। मुखमंत्री होरें आखेआ जे ओहू इस गल्लै दी यकीनी बनावन ते इस नमीं शुरूआत दा जम्मू गी पूरा-पूरा फैयदा हासल होए।

प्रधानमंत्री हुंदे आसेआ वर्चुअल ढंगे नै कीते गेदे उद्घाटन समारोह दे उपराज्यपाल मनोज सिन्हा, केंद्री रेल मंत्री अश्विनी वैश्व, प्रधानमंत्री हुंदे दफ्तरै च राज्य मंत्री डॉ. जतिंद्र सिंह, जम्मू-कश्मीर विधानसभा च विपक्ष दे नेता सुनील शर्मा ते होर कई मन्ने-परमन्ने दे लोक साक्षी बने।

<><><><><><>

Mos Rail Div Jammu

केंद्री मंत्री डॉ. जितेंद्र सिंह होरें अज्ज जम्मू रेलवे डिविजन दे उद्घाटन गी भारतीय रेलवे च इक नमां ध्याय ते ऐतिहासिक संगेमील करार दित्ता ऐ। उनें आखेआ जे इस पैहलकदमी कन्नै खित्ते दे ग्रामीण इलाकें दा व्यापक विकास होग ते एहू बड़ा महत्वै आहला साबित होग। आकाशवाणी जम्मू संवाददाता नै इस बारै जानकारी दिंदे होई आखेआ जे केंद्री मंत्री डॉ. जितेंद्र सिंह होरें इस पैहलकदमी दा श्रेय प्रधानमंत्री नरेंद्र मोदी हुंदे विकास दे विजन गी दित्ता ऐ। इस मौके पर बोलदे होई केंद्री मंत्री डॉ. जितेंद्र सिंह होरें आखेआ।

<><><><><><>

Railway-Inspection

रेल सुरक्षा आयुक्त होर कल ते 8 जनवरी गी महत्वकांक्षी उधमपुर-श्रीनगर बारामूला रेल लिंक परियोजनां दा वैधानिक निरीक्षण करंगन ते एहदे पर होने आहली अजमैशें गी दिक्खंगन। एहदे बाद आयुक्त होरें इस बारै अपनी रिपोर्ट जमा करांगन जेदे मगरा गै सिद्धे कश्मीर घाटी तोहड़ी रेल सेवा शुरू करने बारे कोई मुकदा फैसला कीता जाग। एहदे शा पैहले अतरूं शनिवारें बी रेलवे आसेआ इस परियोजना दा कटड़ा कोला लेइयै बनिहाल तोडी दे पूरे हिस्से पर अजमैश दे तौरा पर ट्रायल रन कीता गेआ हा।

<><><><><><>

ते हुन बाकि दिएं खबरें कन्नै अभिलाषा शर्मा।

India Pak Air Strikes

भारत नै पाकिस्तान आसेआ अफगान नागरिकें उप्पर कीते गेदे हवाई हमलें दी खबरें दी निंदा कीती ऐ। विदेश मंत्रालय दे प्रवक्ता रणधीर जायसवाल होरें आखेआ ऐ जे अफगान नागरिकें उप्पर कीते गेदे हवाई हमले जिंदे च महिलाएं ते बच्चें सने कई लोकं अपनी जान गवाई दित्ती ऐ। भारत उसदी निंदेआ करदा ऐ। उनें आखेआ जे पाकिस्तान दी अपनी अंदरूनी असफलताएं लेई अपने गोआंडी मुल्लें गी जिम्मेदार ठहराना इक परानी आदत ऐ।

<><><><><><>

Highway

जम्मू-श्रीनगर राष्ट्रीय जरनैली सड़क गड्डियें दी दऊं तरफा आओजाई लेई खुल्ली ऐ। पैहले काजीगुंड इलाके च भारी बर्फबारी दे बाद गड्डियें दी आओजाई रोकी दित्ती गेई ही। प्रशासन नै जरनैली सड़कें पर सफर करने अहलें

लेई हिदायत जारी कीती ऐ जे ओहू सफर दिने-दिनै गै करंगन ते सड़कै पर अपनी बक्खी गै गड्डी चलान। तोआई, पुंछ-राजौरी आहले रस्तेआ कश्मीर घाटी गी जाने आहली ऐतिहासिक मुगल रोड अज्ज उप्परोतली 10में रोज बी गड्डिएं दी आओजाई लेई बंद ऐ। पीर पंजाल दिएं पहाड़ियें पर जंदी रातीं बी ताजा बर्फबारी होई ऐ।

<><><><><><>

CS-PMGS

मुख सचिव अटल डुल्लू होरें प्रधानमंत्री गतिशक्ति मास्ट प्लान गी लागू करने दे सरबंघै च सब्बनें प्रशासनिक सचिवें ते डिप्टी कमिशनरें कन्नै बैठक कीती। उनें इस गल्लै पर जोर पाया जे सब्बनें मुतल्लका मैहकमें गी अपनी परियोजनां तैयार करने बेल्लै हर सतह पर बक्ख-बक्ख पैहलुएं बारै सोच-विचार करना लोड़चदा। उनें प्रशासनिक प्रधानें गी आखेआ जे ओहू राश्ट्री योजना दे मकामी पोर्टल पर अपने आपै गी आह्नन तां जे बक्ख-बक्ख पैहलुएं बारै नमें सिरेआ कम्म करने च सखाल होई सकै। प्रदेशें ते राज्यें थमां मिसाल दे तौर पर मदाद लेई सकदे न। मुख सचिव होरें प्रशासनिक मुखें गी निर्देश दित्ते जे ओहू जल शक्ति मैहकमे आसेआ तैयार कीते गेदे पोर्टल राहें बक्ख-बक्ख पैहलुएं पर सोच-विचार यकीनी बनान।

<><><><><><>

IAS-Tranees

राजभवन जम्मू च 2024 बैच दे आई.ए.एस सखेत्रुएं दे इक समूह नै उपराज्यपाल हुंदे कन्नै मलाटी कीती। गल्लबात दौरान उपराज्यपाल होरें अधिकारी सखेत्रुएं गी शुभकामनां दित्तियां ते उनेंगी सलाह दित्ती जे ओहू विकसित भारत आहला धेइया हासल करने लेई तनदेई, रमानदारी ते लग्न कन्नै कम्म करियै अपना अनमुल्ला योगदान देन। एल.जी होरें अगगे आखेआ जे नौकरशा, प्रशासन दी रीड दी हड्डी न ते राश्ट्र निर्माण दी प्रक्रिया च अखंडता दे महत्व गी उजागर करना ते एहदे मुल्लें दी पालमा करना लोड़चदा। उनें सखेत्रुयें गी आखेआ जे उंदा मकसद अखीरले माहनू तोड़ी पुज्ज बनाना ते लोकें दी भलाई बेहतरी केंद्रित विकास गी महत्ता देना लोड़चदा।

<><><><><><>

Jammu Golf course

जम्मू तवी गोल्फ कोर्स नै सैलसफा मैहकमे कन्नै रलियै कल सिद्धडा आहले गोल्फ कोर्स च इक 'Golfing Day out' कार्जक्रम दा आयोजन कीता। इस कार्जक्रम च गोल्फ कन्नै जुडे दे तकरीबन 100 खडारी जिंदे च माहिरें दे कन्नोकन्नी नमें खडारी बी शामिल न, बड़ी मती खुशी कन्नै हिस्सा लैता। गोल्फ गी बढावा देने ते जम्मू दी सैलसफा समर्थ गी उजागर करने दे मकसद कन्नै इस कार्जक्रम दा समापन गल्लबात आहले सत्रें ते प्रतिभागियें दी सराहना कन्नै होआ।

<><><><><><>

Squash British Junior Open

Squash च भारत दियां अनाहत सिंह, ब्रिटिश जूनियर ओपन स्क्वैश प्रतियोगिता दे फाइनल च पुज्जी गेइयां न। 17एं बरें कोला हेठली उम्री दे कुड़ियें दे इक्कले मुकाबले दे खताब लेई ओहू अज्ज मिस्र दी Mallika El Karaksy दा सामना करंगन। एहदे कोला पैहले सेमीफाइनल च मिस्र दियां Ruqayya Solun गी 3-1 कन्नै हराया हा।

<><><><><><>